



ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
ԱԶԱՓՆՅԱԿ-2 ՆՍՏԱՎԱՅՐ

(ՀՀ, համայնք Երեւան, Ազաֆնյակ, ՀԱԼԱՔՅԱՆ Փ., շենք 41Ա, 10-ԲԴ ՀԱՐԿ)



Ո Ր Ո Շ ՈՒ Մ

ՀԱՅՏԱԴԻՍՈՒՄԸ ՎԱՐՈՒՅԹ ԸՆԴՈՒՆԵԼՈՒ,

ԱՊԱՑՈՒՅՑ ՊԱՀԱՆՁԵԼՈՒ ԵՎ ԵԶՐԱՓԱԿԻԶ

ԴԱՏԱԿԱՆ ԱԿՏԻ ՀՐԱՊԱՐԱԿՄԱՆ ՕՐ ՆՇԱՆԱԿԵԼՈՒ ՄԱՍԻՆ

ԵԴ2/10548/02/25
20 Հոկտեմբերի 2025թ

ք. Երևան

ՀՀ Երևան քաղաքի առաջին ատյանի ընդհանուր իրավասության դատարանի դատավոր Ս. Գրիգորյանս (այսուհետ նաև՝ Դատարան), ուսումնասիրելով <<ԱՆՆԱՐԿԱ>> ՍՊԸ-ի հայցադիմումը,

Պ Ա Ր Զ Ե Ց Ի

Հայցվոր <<ԱՆՆԱՐԿԱ>> ՍՊԸ-ի ներկայացուցիչ Մ.Ավետիսյանը հայցադիմում է ներկայացրել Դատարան ընդդեմ Երևանի քաղաքապետարանի՝ 18.06.2024թ. կնքված ԵՔ-ԷԱՃԱՊԶԲ-24/125-1 ծածկագրով ապրանքի մատակարարման պայմանագրով «Աննարկա» ՍՊԸ-ի կողմից մատակարարման ենթակա ապրանքը, այն է՝ «FDX Visionary RF Premium» ռենտգեն ախտորոշման համակարգն ընդունել պարտավորեցնելու, ինչպես նաև որպես պատճառված վնասի հատուցում պահեստավորման և պահպանման ծախսերի գումարը, որը մինչև 31.08.2025 թ. կազմում է 84.564

ՀՀ դրամ, ինչպես նաև օրեկան 312,2 ՀՀ դրամ՝ որպես պահպանության ծախսի վնասի փոխհատուցում Դատարան հայցադիմումը ներկայացնելու օրվանից մինչև ապրանքի ընդունման պարտավորության փաստացի կատարման օրը բռնագանձելու պահանջների մասին:

Դատարանի (դատավոր՝ Ա.Օհանյան) 10.10.2025թ. որոշմամբ հայցադիմումը վերադարձվել է: Ընդ որում հիշատակված որոշմամբ արձանագրվել է, որ հայցվորի կողմից նշված դատարան է ներկայացվել պատվիրատուի անգործության բողոքարկման հետ կապված հայց: Միաժամանակ, հիշյալ որոշմամբ, որպես հայցադիմումի թերություն վկայակոչվել է բացառապես պետական տուրքը պակաս վճարված լինելու փաստը:

Կրկին ներկայացված հայցադիմումն էլեկտրոնային համակարգում մակագրվել է 16.10.2025թ. ժամը 21:30-ին:

Վերոգրյալի հիման վրա՝ նկատի ունենալով Դատարանի հիշյալ որոշմամբ նշվածը, Դատարանը ցանկանում է նշել հետևյալը.

ՀՀ քաղաքացիական դատավարության օրենսգրքի 234.5-րդ հոդվածի 2-րդ մասի համաձայն՝ գնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում: Դատարանի պատճառաբանված որոշմամբ սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:

ՀՀ քաղաքացիական դատավարության օրենսգրքի 234.6-րդ հոդվածի 1-ին, 2-րդ, 3-րդ և 5-րդ մասերի համաձայն՝ դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում:

Հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

Ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո՝ հնգօրյա ժամկետում:

Սույն մասով նախատեսված ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

Հայցադիմումը վարույթ ընդունելու մասին որոշումն անհապաղ ուղարկվում է «Գնումների մասին» Հայաստանի Հանրապետության օրենքով նախատեսված լիազորված մարմնի պաշտոնական էլեկտրոնային փոստի

հասցեին: Լիազորված մարմինը սույն մասով նախատեսված որոշումն անհապաղ հրապարակում է «Գնումների մասին» Հայաստանի Հանրապետության օրենքի 2-րդ հոդվածի 1-ին մասի 14-րդ կետով նախատեսված տեղեկագրում՝ նշելով կասեցման օրը:

<<Գնումների մասին>> ՀՀ օրենքի 2-րդ հոդվածի 1-ին մասի 13-րդ կետի համաձայն՝ սույն օրենքում օգտագործվում են հետևյալ հիմնական հասկացությունները. լիազորված մարմին՝ պետական ֆինանսների կառավարման բնագավառում Հայաստանի Հանրապետության կառավարության քաղաքականությունը մշակող և իրականացնող՝ Հայաստանի Հանրապետության գործադիր իշխանության պետական մարմին:

Վերոգրյալի հիման վրա՝ Դատարանն արձանագրում է, որ հայցվորի կողմից շտկվել են նշված դատարանի 10.10.2025թ. որոշմամբ արձանագրված խախտումները, ինչը Դատարանին պարտավորեցնում է հայցադիմումն ընդունել վարույթ:

Միևնույն ժամանակ, Դատարանը գտնում է, որ պատասխանող Երևանի քաղաքապետարանից անհրաժեշտ է պահանջել թիվ ԵՔ-ԷԱՃԱԴՁԲ-24/125-1 ծածկագրով գնման գործընթացի հետ կապված պատասխանողի տիրապետման տակ գտնվող բոլոր ապացույցները:

Վերոգրյալների հիման վրա և ղեկավարվելով ՀՀ քաղաքացիական դատավարության օրենսգրքի 124-րդ, 125-րդ, 188-րդ, 199-րդ, 200-րդ, 234.5-րդ և 234.6-րդ հոդվածներով՝

Ո Ր Ո Շ Ե Ց Ի

Հայցադիմումն ընդունել վարույթ և եզրափակիչ դատական ակտի հրապարակման օր նշանակել 27.11.2025թ.:

Պատասխանող Երևանի քաղաքապետարանից պահանջել թիվ ԵՔ-ԷԱՃԱԴՁԲ-24/125-1 ծածկագրով գնման գործընթացի հետ կապված իր տիրապետման տակ գտնվող բոլոր ապացույցները:

Որոշումը՝ ապացույցներ պահանջելու մասով, ենթակա է կատարման պատասխանողի կողմից այն ստանալուց հետո՝ հնգօրյա ժամկետում:

Որոշումն անհապաղ ուղարկել լիազորված մարմին ՀՀ ֆինանսների նախարարությանը:

Որոշումն օրինական ուժի մեջ է մտնում կայացման պահից և ենթակա չէ բողոքարկման:

ԴԱՏԱՎՈՐ՝

Տ. ԳՐԻԳՈՐՅԱՆ

Տվյալ ֆայլերին կարող եք ծանոթանալ նաև մուտք գործելով "Էլեկտրոնային դատավարություն" համակարգ՝
[cabinet.armlex.am](#)